



## **TOSHKENT DAVLAT YURIDIK UNIVERSITETI REKTORINING B U Y R U G ' I**

15.05.2022

118-um-son

### **Toshkent davlat yuridik universiteti talabalarini G‘afur G‘ulom nomidagi maxsus stipendiya va ko‘krak nishoni bilan taqdirlash to‘g‘risida**

Toshkent davlat yuridik universiteti rektorining 2020-yil 4-sentabrdagi “O‘zbek adabiyotining zabardast vakillaridan biri G‘afur G‘ulom ijodini keng targ‘ib qilish hamda bu boradagi ishlarni samarali tashkil etish bo‘yicha qo‘shimcha chora-tadbirlarni belgilash to‘g‘risida”gi 08-156-son buyrug‘ida belgilangan vazifalar ijrosini ta‘minlash, o‘zbek adabiyotining zabardast vakillaridan biri G‘afur G‘ulomning boy ijodiy merosini yoshlar, ayniqsa huquqshunoslar orasida keng targ‘ib qilish, universitet xodim va talabalarida adabiyotga, xususan adib asarlariga bo‘lgan qiziqishni yanada oshirish, ularning bu boradagi faolliklarini qo‘llab-quvvatlash hamda Toshkent davlat yuridik universiteti talabalariga G‘afur G‘ulom nomidagi maxsus stipendiya va ko‘krak nishoni ajratish bo‘yicha Komissiya yig‘ilishining 2022-yil 27-apreldagi 3-son yig‘ilish bayoniga muvofiq,

### **BUYURAMAN:**

1. Toshkent davlat yuridik universitetining 2022-yil 27-apreldagi Komissiya yig‘ilishining 3-son bayoni ma‘lumot va ijro uchun qabul qilinsin.

2. G‘afur G‘ulom nomidagi maxsus stipendiya va ko‘krak nishoni bo‘yicha o‘tkazilgan tanlovda 50 dan ortiq talabalar ishtirok etganligi, nomzodlar tomonidan amalga oshirilgan ishlar dastavval fakultetlarda tashkil etilgan komissiyada, ulardan tavsiya etilganlari universitet komissiyasida belgilangan tartib asosida ko‘rib chiqilganligi hamda nomzodlarning 4 nafari maxsus stipendiyaga, 4 nafari ko‘krak nishoniga taqdirlash uchun tavsiya etilganligi inobatga olinsin.

3. 2021/2022-o‘quv yili uchun quyidagi talabalar Toshkent davlat yuridik universitetining G‘afur G‘ulom nomidagi maxsus stipendiya (bundan buyon matnda – Maxsus stipendiya) bilan taqdirlansin:

Ommaviy huquq fakulteti 2-kurs talabasi **Usmonaliyev Erkaboy Bobur**

**o'g'li;**

Jinoiy odil sudlov fakulteti 2-kurs talabasi **Yarashova Dilnoza Asrorovna;**

Xususiy huquq fakulteti 3-kurs talabasi **Ilimbayev Sardor Damir o'g'li;**

Xalqaro huquq va qiyosiy huquqshunoslik fakulteti 3-kurs talabasi **Rayimova Munisa Nozim qizi.**

4. Maxsus stipendiya bilan taqdirlangan talabalarga stipendiya mablag'lari bir o'quv yili uchun Vazirlar Mahkamasining 2020-yil 31-yanvardagi 59-son qarori 2-ilovasining 2-bandiga muvofiq 2022-yil 1-sentabrdan boshlab belgilangan miqdorga qat'iy rioya qilingan holda to'lab borilsin.

5. 2021/2022-o'quv yili uchun quyidagi talabalar Toshkent davlat yuridik universitetining G'afur G'ulom nomidagi ko'krak nishoni (bundan buyon matnda – Ko'krak nishoni) bilan taqdirlansin:

Ommaviy huquq fakulteti 2-kurs talabasi **Eraliyeva Malika Tohir qizi;**

Jinoiy odil sudlov fakulteti 2-kurs talabasi **Otamurodov Shoxzodjon Komil o'g'li;**

Xususiy huquq fakulteti 4-kurs talabasi **Yo'ldoshbekov Anvarjon Alisher o'g'li;**

Xalqaro huquq va qiyosiy huquqshunoslik fakulteti 2-kurs talabasi **Ismoilov Mavludbek Mukimjon o'g'li.**

6. Ko'krak nishon bilan taqdirlangan talabalar bazaviy hisoblash miqdorining uch baravari miqdorida bir marta to'lanadigan pul mukofoti bilan taqdirlansin.

7. Buxgalteriya (M.Parpiyev) maxsus stipendiya va ko'krak nishoni bilan taqdirlangan talabalarga belgilangan miqdordagi pul mablag'larini universitetning budjetdan tashqari mablag'lari hisobidan to'lab berilishini ta'minlasin.

8. Ma'naviyat va ma'rifat markazi (Sh.Po'lotov) hamda fakultet dekanlari: maxsus stipendiya va ko'krak nishoni bilan taqdirlangan talabalarga maxsus stipendiya guvohnomasi hamda ko'krak nishonlarini tantanali vaziyatlarda taqdim etish choralarini ko'rsin;

maxsus stipendiya va ko'krak nishoni bilan taqdirlash tartibi va uning ahamiyatini talabalar orasida keng targ'ib qilish orqali unda ishtirok etadiganlar sonini oshirish choralarini ko'rsin;

taqdirlangan talabalar to'g'risidagi ma'lumotlarni universitetning ijtimoiy tarmoqlaridagi sahifalari orqali keng targ'ib qilish choralarini ko'rsin.

9. Ushbu buyruq ijrosini nazorat qilishni prorektorlar A.Xashimhonov hamda A.Iminov zimmasiga yuklansin.

**Rektor**



**A.TASHKULOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Bosh buxgalter

M.PARPIYEV



YOshlar masalalari va ma‘naviy-  
ma‘rifiy ishlar bo‘yicha prorektor

A.XASHIMHONOV



Katta yuriskonsult

E.XOSILOV



Moliya-iqtisod ishlar bo‘yicha  
prorektor

A.IMINOV

